

ՌԱՄԻՍԻ ԵՌԱՆԱՎ ԲԱԶՄԱԿԱՆ ԵՎ ՆՐԱ ՎԻՄԱԳՐՈՒԹՅՈՒՆՆԵՐԸ

Ա. Ա. ԱՅՎԱԶՅԱՆ

Պատմական Հայաստանի Գողթն գավառի Ռամիս (Ռամիք) գյուղի և նրա ճարտարապետական հուշարձանների մասին սլատմական աղբյուրներում, դժբախտաբար, քիչ տեղեկություններ են պահպանվել: Ռամիսը գտնվում է Զանգեզուրի լեռնաշղթայի բարձրագիւր գոտում, ունի գեղեցիկ գիրք և շրջապատված է բազմազան բուսականությամբ պատած լեռներով: Նրանից ներքև՝ Ցղնայի ձորի մեջ, գտնվում են Գողթնի պատմական Մազրա, Ռուստուպի գյուղերը և այդ ձորի ամենամեծ ավանը՝ Ցղնան:

Ռամիսի միջնադարյան եռուն կյանքի մասին խոսում են նրա կանգուն և ավերակ զանազան մեծ ու փոքր հուշարձանները, ընդարձակ գերեզմանատունը: Այս գյուղը հիշատակվում է Ագուլիսի ս. Թովմա վանքի եկեղեցու արևմտյան մուտքի բարավորի XVII դարի նշանավոր արձանագրության մեջ. Գողթն գավառի գյուղերի ու ավանների թվում: Վանքի վերանորոգման աշխատանքներին նյութական օժանդակություն ցույց տված անձանց (ագուլիսցիների, գաշտեցիների, ցղնեցիների, փառակեցիների) շարքում նշվում են նաև ըռամեցիները (իմա՝ ռամիսեցիները)²:

Գյուղում և նրա շրջակայքում դեռևս տեսանելի են մի քանի մատուռների, բերդերի, ջրաղացների հետքերը: Ամենանշանավոր հուշարձանը եկեղեցին է, որը բավական լավ է պահպանված: Վերջինս գտնվում է բարձրադիր թաղամասում և գյուղի համայնապատկերում ունի իշխող դիրք ու տեսանելի է շատ հեռվից: Ըստ տեղացիների, եկեղեցին կոչվում է ս. Աստվածածին: Մ. Փափաղյանը, Ղ. Ալիշանը և Ե. Լալայանը այս եկեղեցին սոսկ հիշատակել են: Մինչդեռ համեմատաբար ընդարձակ և կարևոր տեղեկություններ է հրատարակել Վ. Մ. Սիսուկը³:


Ռամիսի եկեղեցու ուսումնասիրման միակ աղբյուրը նրա վիմագրերն են, որոնք և ստույգ տեղեկություններ են հաղորդում եկեղեցու XVII դարի վերաշինության մասին: Եկեղեցին (նկ. 1) կառուցված է սրբատաշ բազալտով և գրանիտով, ունի եռանավ բազիլիկայի հորինվածք. դահլիճը, աբսիդը և ավանդատները գտնվում են միասնական ուղղանկյուն ծավալի մեջ (նկ. 2): Մուտքերը երկուսն են՝ արևմտյան և հարավային: Դահլիճն ունի երկու զույգ

¹ Ղ. Ալիշան, Սիսուկան, Վենետիկ, 1893, էջ 326: Ե. Լալայան, Գողթն կամ Օրդուբադի, կամ Վերին Ագուլիսի ոստիկանական շրջան, Թիֆլիս, 1904, էջ 69 (առանձնատիպ «Աղագրական հանդեսից»):

² Ագուլիսեցի Ավետիք Արասխանյանը Ս. Սարգսյանի «Աղուկեցոց բարբառը» (Զոկերի լեզուն) աշխատության վերաբերյալ գրած գրախոսականում գիտել է, որ ագուլիսեցիները Ռամիս գյուղի բնակիչներին անվանել են «ոլմսցի և ոչ ռամիսեցի» (տե՛ս «Մուրճ», Թիֆլիս, 1899, № 9, էջ 1072):


³ В. М. Сысоев, Нахичеванский край—Нахичеванская АССР (отчет о поездке летом 1927 г.), «Известия Азкомстариса», вып. 4, тетрадь 2, Баку, 1929, էջ 171—172:

խաչածե կտրվածքով մուլթեր և արեւելքում ավարտվում է կիսաշրջանածե աբսիդով։ Բնութերը բարձր ու լուսավոր է։ Աբսիդի երկու կողմերում տեղադրված են երկհարկանի ավանդատներ, որոնց երկրորդ հարկերի մուտքերը



Նկ. 1

քողարկված են և գտնվում են առաջին հարկերի որմնախորշերի մեջ։ Առաջին հարկի ավանդատները հատակագծում համարյա քառակուսի են։




Նկ. 2

Եկեղեցու աբսիդը և ավանդատները լուսավորվում են արեւելյան ճակատից՝ մեկական լուսամուտով, իսկ դահլիճը՝ երկայնական և արեւմտյան պատերում տեղադրված ուղղանկյուն, բավական լայն բացվածքով երեքական լուսամուտների միջոցով։ Ընդ որում, արեւմտյան ճակատի լուսամուտները երկայնական պատերի լուսամուտների համեմատութեամբ ավելի բարձր են տեղադրված։ Լուսամուտների բացվածքները ծածկված են միակտուր հորիզոնական բարավորներով և դեպի ներս քիչ են լայնանում։ Դահլիճը շորս հաստահեղույս մուլթերով և նրանց միջև ձգվող կամարաշարերով բաժանված է միջին մեծ և երկու փոքր նավերի։ Թաղակիր կամարների հանգչում են մուլթերի և որմնամուլթերի վրա։ Եկեղեցու վանդակատան ուտոնդան կանգուն է

եղել մինչև 1920-ական թթ.։ Երկթեք ծածկը մաքուր տաշած բաղալտե սալե-

րով է: Եկեղեցու հարթ բաղալտե պատերը որոշ չափով աշխուժանում են մուտքերի շուրջը քանդակված զարդագոտիներով, բարավորներից վերև և պատերի այլ մասերում ազուցված խաչքարերով ու պատկերաքանդակներով: Պետք է ենթադրել, որ որմնանկարման համար XVIII դարում եկեղեցու ինտերյերը ծեփվել է: Մական XVIII դարի որմնանկարները հետագայում քայքայվել են, ուստի XIX դարի կեսերին այն նորից է որմնանկարվել: Եկեղեցու աբսիդում, բեմի ճակատին, ուղղանկյուն սև եզրագծերով շրջանակների մեջ նկարվել են սրբապատկերներ, իսկ մեծ նավի կամարները, աբսիդի գմբեթարդը և այլ մասերը զարդարվել են ծաղկազարդ մոտիվներով: Այժմ այդ որմնանկարներից միայն բեկորներ են մնում: Ծաղկազարդերի առանձին հատվածներ պահպանվում են աբսիդի որմնախորշերի (նկ. 3) և գմբեթարդի վրա:

Դահլիճի արևմտյան որմի վրա դեռևս տեսանելի որոշ հատվածները ցույց են տալիս, որ ծաղկազարդերի մի մասն էլ նկարված են եղել փնջերի ձևով՝



Նկ. 3



Նկ. 4

դրված թռչունների պատկերներով կանթեր ունեցող ծաղկամանների մեջ:

Եկեղեցու ուղղանկյուն բացվածքներով մուտքերը կրում են միակտուր հորիզոնական բաղալտե բարավորներ և երիզված են քանդակազարդ կամարներով: Արևմտյան մուտքի բարավորից վերև ազուցված է XVII դարի մի արձանագիր խաչքար: Վերջինիս շուրս տողից բաղկացած արձանագրությունը այժմ դժվարընթեռնելի է: Այս մուտքն ունի շարվածքի մեջ ամրացված փայտե դուռ, որի վերևի մասը՝ 10—15 սմ չափով, տեսանելի է և վրան կա XVII դարի արձանագրություն: Ուշագրավ է հարավային մուտքը, որի եզրերի քարերը և հորիզոնական բարավորը ևս միակտուր բաղալտե քարերից են: Մուտքի շուրջը կա քանդակազարդ կամար, որը կարմրերանգ տուֆից է և ունի ճոխ զարդաքանդակներ: Կամարի տակ, ուղղանկյուն շրջանակի մեջ, տեղադրված է աստվածամոր բարձրաքանդակը՝ մանուկը դրկին: Այս բարձրաքանդակը ավելի հին է (թերևս XV—XVI դդ.), քան Նախիջևանի դա-

վառների մյուս հուշարձանների վրա պահպանված XVII—XVIII դդ. համանման սյուժեներով պատկերաքանդակները:

Հնաոճ մի պատկերաքանդակ էլ տեղադրված է հարավային մուտքի կամարից քիչ վերև, նրա արևելյան կողմում: Վերջինս տեղադրված է ուղղանկյուն շրջանակի մեջ, որի ներքևի մասը չի պահպանվել: Մուտքի կամարի բարձրության ուղղությամբ, նրա արևելյան ու արևմտյան կողմերում, տեղադրված են հինգ խաչքարեր, երեքը արևելյան, իսկ երկուսը՝ արևմտյան կողմում: Վերջիններիս արձանագրությունների մի մասը քայքայված է:

Եկեղեցու հարավ-արևելյան անկյունում, իրար կողքի կանգնեցված են երկու միակտոր կապտերանգ բաղալտե սյուներ, որոնց բարձրությունը 2 մ ավելի է: Այդ սյուների մոտ և նրանց շրջակայքում ընկած են հնաոճ մշակումներով քարերի բեկորներ: Պետք է ենթադրել, որ այս բեկորները, ինչպես նաև Եկեղեցու շրջակայքում գտնվող զանազան այլ մնացորդները, վերաբերում են այս եկեղեցու տեղում եղած վաղեմի պաշտամունքային (հեթանոսական) շինությունը: Արևմտյան մուտքի առջև կան XVII—XVIII դդ. ութ տապանաքարեր, որոնց արձանագրությունները մեծ մասամբ թաղված են հողի մեջ: Եկեղեցուց քիչ հեռու, նրա արևելյան կողմում ընկած է մի մանրաքանդակ (նկ. 4): Վերջինս պատկերում է ութանիստ գմբեթ, որի սյուներն ունեն գնդաձև խաչիսխներ ու խոյակներ: Թմբուկի ծածկը բրգաձև է, իսկ ներքևի մասում, շրջանագծի մեջ քանդակված է հավասարաթև խաչապատկեր: Ռամիսի այս մանրաքանդակը, ինչպես տեսնում ենք, ոչ մի կապ չունի եռանավ բազիլիկայի հորինվածքի հետ: Համանման գմբեթների մանրաքանդակներ ունեն նաև Նիրնյակ գավառի Նորաշենի եռանավ բազիլիկան, Շոռթի ս. Հակոբ գմբեթավոր եկեղեցին, Գաղի ս. Գրիգորը և այլ հուշարձաններ: Այս վերջին հուշարձանի գմբեթը XVII դարի վերանորոգման ժամանակ փոքրացվել է: Հավանաբար եկեղեցու ծածկի անկյունային մասում կանգնեցված մանրաքանդակը պատկերում է գմբեթի նախկին ձևը: Ուշադրության է արժանի այն հանգամանքը, որ դրանք սովորական և ավանդական սխեմատիկ ձևի փոխարեն մշակված են մանրամասնորեն և պատկերում են իրականում գոյություն ունեցող որոշակի կառուցվածքներ:

Ս. Աստվածածին եկեղեցուց մոտ 300 մ դեպի արևելք, գյուղի հյուսիս-արևելյան կողմում, գտնվում է Ռամիսի գերեզմանատունը: Այն ունի XIV—XIX դդ. ավելի քան 600 տապանաքարեր, որոնց մեծ մասի արձանագրությունները այժմ քայքայված են, կամ կիսով չափ ծածկված հողի շերտով:

Ինչպես նշեցինք, Ռամիսի եկեղեցու մասին տեղեկություններ են բովանդակում նրա արձանագրությունները, որոնք հրատարակված չեն:

Այդ արձանագրություններն են.

1. Եկեղեցու ներսում, հարավային կողմի արևելյան մույթի վերևի մասի ծեփի որոշ հատվածը թափված է և երևում է եկեղեցու վերանորոգման արձանագրությունը՝ վեց տող⁴.

1 ՅԻՇ(Ե)Յ(Է)Ք Ի ՔՍ ՍՈՐԵՅԻ ՈՒՍՏԱ Մ[ՈՒ]

2 ԲԱՏՆ.... ՎԱՐԴԱՆՆ....

3 ԽԱԹՈՒՆՆ ՈՐ ԲԱԶՈՒՄ ԱՇԽԱՏԵ[ՅԱՆ Ի]


⁴ Մեր ուսումնասիրության ժամանակ այս արձանագրության տողերի վերջին տառերը, ինչպես նաև 4-րդ և 5-րդ տողերի մի մասը ծեփի տակ էին, որի պատճառով վերծանել ենք ձիայն տեսանելի հատվածները:

4 ՎԵՐ(Ա)Յ Ս(ՈՒՐ)Բ ԵԿԵՂԵՑՈՒՍ Ի Բ...

5 ԵԱՅ....

6 Թ. ՌՃԻԷ (1678)

Այստեղից հետևում է, որ եկեղեցու նորոգման աշխատանքները ղեկավարել է «ուստա» Մուրատը (նկ. 5):



նկ. 5

2. Աբսիդի բեմի առջև, նրա հարավային անկյան մոտ, դահլիճի հատակի մեջ թաղված է մարմարե մի տապանաքար, որի վերևի մասում կա հետևյալ արձանագրությունը.

1 ԱՅՍ Է ՏԱՊԱՆ ԽՈՋԱՅ

2 ՆԱԻԱՍԱՐԴԻ ՈՐԴԻ ԽՈՋ(ԱՅ) ՄՈ(Ր)ԱՏ

3 (ՓՈ)ԽԵՅԱԻ Ք(ՐԻՍՏԵՍ)ԱՅ Ի ԹՎ ՌՃԻ (1671)

Տապանաքարի աջ և ձախ կողմերին, վերից վար քանդակված ընդարձակ արձանագրությունից կարդացվում է աջ կողմի հետևյալ հատվածը.

ՋԱՆԱՋԻՋՆ ՍԱՅ ԷՐ, ԿԱՐԴԱՅԷԼ ԷՐ ԳԻՐՍ Հ(Ա)ՅՈՑ ԵՒ....

ԳՆԱՅ ՅՈՒԱՆԳԸՍՏԱՆ ԵՒ ԱՆԴԵՆ ԴՆԱՅ...

3. Հյուսիսային ավանդատան մուտքից վերև ագուցված է մի սև քար, 16 տողից բաղկացած արձանագրությամբ, որը ևս մնացած է եղել ծեփի տակ: Մաքրելուց հետո հնարավոր եղավ այն ընթերցել: Երկու մասի ջարդված այս արձանագիր քարը պատի մեջ ագուցվելու ժամանակ մեծ խնամքով իրար են միացվել: Արձանագրությունը փորագրված է գծված տողերի մեջ: 1—3-րդ տողերը ժամանակի ընթացքում դարձել են անընթեռնելի:

4 ... Ի Թ(Ա)Գ(Ա)ՈՐ(ՈՒ)Թ(ԵԱՆ) ՊԱՐՍԻՅ Շ(Ա)Հ

5 ՍՈՒԼԷՅՄԱՆԻՆ, Ի ՀԱՅՐԱՊԵՏՈՒԹԵԱՆ Տ(ԵԱՌ)Ն ՅԱԿՈԲԱ

6 ՀԱՅՈՑ ԿԱԹՈՂ(Ի)Կ(Ո)ՍԻՆ ԵՒ ԱՌԱՋՆՈՐԴՈՒԹԵՆ

- 7 Ան Թեմի S(ԵԱՌ)ն ՊԵՏՐՈՍ Ա(ՍՏՈՒԱ)ԾԱԽՆԱՄ Վ-
 8 ԱՐԴԱՊԵՏԻՆ: ... ՄԱՀՄԱՏՈՒ
 9 ԱԶԱՅ ԽԱՆԻՆ: Դ(Ա)ՐԶ(ԵԱ)Լ Ա(ՍՏՈՒԱ)Ծ... ՄԱՀՏԵՍԻ Վ-
 10 ԱՐԴԱՆՆ ԵՒ ԻՐ ՈՐԴԻՔՆ ԱՆՓՈՐԶ ՊԱՀԻՅԵՆ՝
 11 ՆԱԽԱՍԱՐԴՆ, ԱԻԵՏԻՍՆ ԵՒ ԱՆՈՇՆ, ՈՐ ՍՈՔԱ
 12 ԵՂԵՆ ՊԱՏՃԱՌ Վ(ԵՐ)ԱՇԽՆՈՒԹԵ(ԱՆ) Ս(ՈՒ)ՐԲ ԵԿ(Ե)ՂԵՅ-
 13 ՈՅՍ: ՅԻՇ(Ե)Յ(Է)Ք ՆԱԽԱՍԱՐԴԻ ՈՐԴԻ ՀԱՆԳՈՒՅԵԼՈՅ
 14 ԶԱՆԱԶԻԶՆ ԵՒ ԲԷԿԱԶԱՐՆ, ԱԻԵՏԻՍԻ ՈՐԴԻ ՇԽ-
 15 ՖԻԱԶՆ ԵՒ ՈՒԼՈՒԽԱՆՆ, ԱՆՈՇԻ ՈՐԴԻ ՄԷԼ(Ի)ՔՆԱԶԱՐՆ
 16 ՇԱՀԻՆՈՎՆ: ՅԻՇ(Ե)Յ(Է)Ք ՎԱՐԴԱՆԻ ԿՈՂ(Ա)Կ(Ի)Յ ԳՕԶԱԼՆ:

Պատմական անձերի հիշատակումը հնարավորություն է տալիս ճշտելու այս վավերագրի փորագրման մոտավոր տարեթիվը: Հայտնի է, որ Շահ-Սուլեյմանը թագավորել է 1666—1699 թթ., իսկ Հակոբի կաթողիկոսության տարիները 1655—1680 թթ. են: Վիճագիրը ստույգ տվյալով հայտնի է նաև արձանագրության մեջ հիշատակվող նավասարդի հանգուցյալ որդու՝ Զանաղիզի (որին անվանել են նաև Խոջա Մուրադ) մահվան տարեթիվը (1671): Հետևաբար ըստ այս տվյալների և եկեղեցու նորոգմանը վերաբերող մյուս վիճագրերի տարեթվերի (1677—1678), արձանագրությունը գրվել է 1677 կամ 1678 թ.: Ռամիսի եկեղեցու վերաշինության կազմակերպիչներ մասնաժամի Վարդանը, նավասարդը, Ավետիսը և Անուշը մի շարք այլ ռամիսեցիների հետ մեծ օժանդակություն են ցուցաբերել նաև Ագուլիսի ս. Թովմա վանքի վերանորոգման գործին (XVII դ. II կես): Այդ մասին վկայող ութ տողից կազմված արձանագրությունը տեղադրված է ս. Թովմա վանքի եկեղեցու արևմտյան ճակատում:

- 1 ՅԻՇԵՅԷՔ ԸՌԱՄԵՅԻ ԽՕԶԱ
- 2 ԱԻԵՏԻՍՆ ԵՒ ԵՂԲԱՐՔՆ ԻԻՐ՝ ՆԱԽԱ-
- 3 ՍԱՐԴՆ ԵՒ ԱՆՈՒՇՆ, ԵՒ ԷՐԵՅՓՈԽ-
- 4 ԱՆ ՎԱՐԴԱՆՆ, ԵՒ ԳՐԻԳՈՐՆ ԵՒ
- 5 ՊԵՏՐՈՍՆ, ՓԻՐԻՆ, ՆՈՒՐԻՆ, ԱՐ-
- 6 ԶԱՆԻՆ, ՎԱՐԴԱՆՆ, ԲԱՐԱՔԵԱԶՆ
- 7 ԳՐԻԳՈՐՆ ԵՒ Տ(Ե)Ր ԳՐԻԳՈՐՆ, ՈՐ ԲԱԶ-
- 8 ՈՒՄ ՕԺԱՆԴԱԿ ԵՂԵՆ Ս(ՈՒՐ)Բ ԵԿ(Ե)Ղ(Ե)ՅՅ(ՈՒ)Մ՝:

Ա. Եկեղեցու հարավային մուտքի արևմտյան կողմում տեղադրված քանդակազարդ որմնափակ խաչքարի վրա կա երեք տող արձանագրություն. 1-ին տողը ղետեղված է խաչի խորանի վերևի մասում, մյուս երկուսը՝ խաչի պատկերի ներքևի մասի մակերեսին: Արձանագրությունը հողմահարված է.

- 1 ԹՎ ՌՃԻ[Զ] (1677)
- 2 ՅԻՇ(ԱՏԱԿ) Է ԽԱԶՍ ԽՕՃԱ Ն...
- 3 ... ԿՈՂ(Ա)ԿԻՅ Յ...

5. Նախորդից դեպի արևմուտք տեղադրված խաչքարի վրա փորագրված է հինգ տող արձանագրություն՝ երկու տողը խաչապատկերի վերևի, իսկ մյուս երկուսը՝ ներքևի մասում: Խաչապատկերի վերին թևի աջ և ձախ կողմերում քանդակված է թվականը.

5 Արձանագրությունը հրատարակել են՝ Ղ. Ալիշանը (նշվ. աշխ., էջ 329) և Ե. Լալայանը (նշվ. աշխ., էջ 71), սակայն «ԸՌԱՄԵՅԻ»-ն կարդացել են Ռամեցի, «ԱԻԵՏԻՍՆ»՝ Աւետիք, «ԱՆՈՒՇՆ»՝ Նաոչն (Նաոչն?):

- 1 Թ ՌՃԻԶ (1677)
- 2 ՅԻՇ(Ա)Տ(Ա)Կ է [ԽԱԶՍ]
- 3
- 4 ՄԱՀՏԵՍԻ ՂԱ...
- 5 ԵԻ ԿՈՂԱԿԻՑ ՍԱՆԱՄԻՆ

6. Մուտքի կամարի արևելյան կողմում, անմիջապես կամարի կողքին տեղադրված խաչքարի ներքևի թևի երկու կողմերում քանդակված է՝

[Թ Ռ]ՃԻԶ (1677)

խաչքարի ներքևի մասում զետեղված է երկու տող. երկրորդը քայքայված է.

- 1 ՅԻՇ(Ա)Տ(Ա)Կ է Խ(Ա)ԶՍ Ի...
- 2 . ԱԿՐ...

7. Այս խաչքարից հինգ քար դեպի արևելք տեղադրված է մեկ այլ խաչքար, որն ունի չորս տող արձանագրություն՝ առաջին տողը խաչի խորանի վերևի մասում, իսկ մնացածը՝ ներքևի հարթ մակերեսին.

- 1 ԹՎ ՌՃԻԶ (1677)
- 2 ՅԻՇ(ԱՏԱԿ) է Խ(Ա)ԶՍ ՎԱՅԷՓՇԻ...
- 3 ՄԱՀՏԵՍԻ ՀԱԿՈԲԻՆ ԵԻ Կ(Ո)ՂԱԿԻՑ ԳՈԻԼԻ-
- 4 ԽԱՆԻՆ

8. Հիշյալից մի քիչ դեպի արևմուտք տեղադրված խաչքարն ունի երեք տողից կազմված քայքայված արձանագրություն.

- 1 ԹՎ ՌՃԻ[Զ] (1677)
- 2 [ՅԻՇ(Ա)ՏԱԿ է Խ(Ա)ԶՍ]...
- 3 ... ԻՆ

Ռամիսից մոտ 4—5 կմ ձորն ի վար, դեպի Մազրա գյուղը, գտնվում է ս. Սարգիս վանքի եկեղեցին։ Այն տեղադրված է անդնդախոր ձորի հարավային կողմի լեռներից մեկի լանջին, անմիջապես Ռամիսից դեպի Յղնա իջնող արահետ-ճանապարհին։ Ս. Սարգիս եկեղեցին, որը կառուցված է սրբատաշ և ճեղքված որձաքարով, փոքրածավալ և փայտածածկ միանավ հուշարձան է։ Հատակագիծը գրեթե քառակուսի է։ Արևելյան կողմում ունի կիսաշրջանաձև աբսիդ առանց ավանդատների։ Եկեղեցու ծածկը, պատերի վերին մասերը քայքայված են։ Միակ մուտքը գտնվում է հյուսիսային ճակատում և հասարակ ձև ունի։ Մուտքից քիչ վերև տեղադրված է մի փոքրիկ խաչքար, որի խաչի ներքևի թևի երկու կողմերում քանդակված արձանագրությունը քայքայված է։

ТРЕХНЕФНАЯ БАЗИЛИКА И НАДПИСИ РАМИСА

А. А. АЙВАЗЯН

(Резюме)

Рамис—одно из древних поселений исторической области Гохтн. Церковь Сурб Аствацацин (св. Богородицы) в Рамисе была заново отстроена в 1677—1678 гг. силами рамисских ходж. По данным публикуемых нами надписей, строительные работы были произведены под руководством мастера Мурада. Церковь представляет собой распространенный в Армении в XVII в. тип культовых зданий—трехнефную базилику с двумя парами пилонов. Надписи датируются 2-й половиной XVII в.